

**SAKSFRAMLEGG**

Sakshandsamar: Marianne Soleng	Arkivkode: FE-033
Arkivsaksnr: 19/1127	Løpenr: 19/10149
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Naturutvalet	17.12.2019	021/2019

Faste saker**17.12.2019 Naturutvalet:**

Handsaming i møtet:

Det var ikkje merknader til møteinnkalling, saklista eller skriv og meldingar.

Landbruksjef Øystein Svalheim orienterte og gjekk igjennom konsesjonslova og andre lovar knytt til sakshandsaming av konsesjonssøknader.

Ordførar Knut Harald Frøland orienterte om melding til SK frå Serene Onshore om elektrifisering av sokkelen og ny kabel frå Samnanger til sokkelen. Link for meir informasjon på <https://sysla.no/gronn/bkk-og-capeomega-med-milliardplan-for-landstrom-i-nordsjoen/>

Ass.rådmann Hilde-Lill Våge orienterte om at det vil verte ca. 45 minuttsbolt opplæring til kvart naturutvalsmøte no i starten. Opplæringa vil i stor grad verte knytt til saker som utvalet skal handsame. Til neste møte vil det verte fokus på plan og prosess. Til dette møtet er det planlagt å få opp planstrategi for denne kommunestyreperioden.

Protokollmerknad frå Karl Bård Kolbotn (Frp) til sak 25/2019 - Frølandselva/Eikedalsvassdraget - Varig verna vassdrag (arkivsak19/352):

Mandat:

Denne saka gjeld ikkje eit forsøk på å oppheva det varige vernet mot vassdragsutbyggingar, men er eit spørsmål til politikarane om kommunen (politisk eller administrativt) skal gå i gang med å arbeida for enkelte former for oppmjuking av vernet. Døme på slik oppmjuking kan vera å tillata større vasskraftutbyggingar enn 1 MW, eller å få flytta vernegrensa oppover i vassdraget. Administrasjonen har ikkje undersøkt moglegheitene, så det er vanskeleg å skriva noko meir om kva type oppmjukingar som eventuelt er moglege.

Naturutvalet må formulera eit vedtak som seier at Samnanger kommune skal arbeida for, eller ikkje skal arbeida for, ei oppmjuking av vernerestriksjonane i Eikedalsvassdraget. Eventuelt kan det skisserast kva slags oppmjuking det skal arbeidast for.

OBJEKTVERN AV FOSSEN BRATTE:

Eikedalsvassdraget vart midlertidig verna i 1973 og varig verna i 1986 - verneplan III for vassdrag. Det nasjonale kontaktutvalet for vassdragsreguleringar plasserte Eikedalsvassdraget i vernekasse 4.

(Ikkje verneverdig). NOU 1983:41, konkluderer likevel med vern, hovudsakleg på grunn av Fossen Bratte. Vernet omfattar: Eikedalsvatnet med nedbørsfelt og elva ned til Frølandsvatn, med alle sidevassdrag. Nedbørsfeltets areal er 97 km². Det verna området berører tre kommunar: Samnanger med 73 %, Kvam med 26 % og Fusa med 1 %.

Tiltak som har vorte og vert gjennomført innanfor vassdragsbeltet på 100 m, etter at vassdraget vart verna utan konsekvensvurdering i høve til påverknad på verneverdiane i vassdraget:

• **Vegbygging:** Loni (også kalla Rossebotten) er ein del av hovudelva (Frølandselva, også kalla Eikedalselva) og er geografisk plassert like overfor Mørkhølsfossen. I perioden slutten av 1960-talet til midten av 1970-talet vart det utført omfattande inngrep i hovudelva i forbindelse med utbetring av vegen som går langs hovudelva frå Frøland til Eikjedalen. Desse inngrepa medførte innsnevring av utløpet frå Loni med det resultat at Loni flymmer opp når vassføring i elva aukar. Loni var tidlegare slåttemark og viktig kulturlandskap. Etter inngrep i elva som følgje av vegbygginga, blei Loni permanent sterkt skada. Bøndene på Frøland og Børtdalen gjekk til sak mot Statens vegvesen, men nådde ikkje fram.

Langs hovudelva frå Frøland/Jarland opp mot Liaros vart det i tilknyting til utvidinga av Rv.7 støypt og bygd natursteinsmurar ut i elva. Opp ved Storlid er det bygd skogsveg innanfor 100 m beltet, som går langs hovudelva og sideelva frå Stutabotn.

• **Kraftnett:** Etablering av trafostasjon i Børtdalen og 300 kV kraftlinje til Helldalen ligg også innanfor 100 m elvebeltet. Utvidinga av trafostasjonen og ny 420 kV kraftlinje Sima – Samnanger er også i konflikt med forskrift om rikspolitiske retningslinjer for verna vassdrag pga. at trafostasjonen og deler av linjetraseen ligg innanfor 100 m vassdragsbeltet. Statnett planleggjar også å bygge ny og større transformator i Børtdal kommande år.

• **Bygg og anlegg:** Etter at Eikedalsvassdraget vart verna er Eikjedalen skisenter bygd ut, og i tilknyting til det hyttefelt tett inntil Teigaelva som også er omfatta av vassdragsvernet. I samband med bygging av tunnel bak Tysse (Fv.48) vart store jordmassar transportert til Dal og utplanert der like inntil Eikedalselva.

Samnanger kommune meiner at det er uheldig at eit verna vassdrag, har mange og omfattande inngrep og ønsker å endre vernestatus i Eikedalsvassdraget.

Det kan være 3 måtar å løye dette på:

1. Endre dei nasjonale retningslinjene for verna vassdrag. Dette vil være ein tung politisk prosess, som kan være vanskelig å gjennomføra.
2. Flytte vernegrensa opp til ovanfor Storlid. Dette bør kunne gjennomførast, da Eikedalsvassdraget likevel ikkje går frå fjord til fjell, slik som normalen er.
3. Det beste alternativet, slik Samnanger kommune ser det, er objektvern av Fossen Bratte (Brudesløret).

Fossen Bratte er ein turistattraksjon som må bevarast for ettertida og bør få eit sterkare vern enn med dagens vassdragsvern, da den da i prinsippet kunn er verna mot kraftutbygging. Ved objektvern vil hovudvassføringa i Eikedalselva (Frølandselva) bli sikra. Dette er viktig for å bevara den naturlege dynamikken i området Fossen Bratte, Loni og Mørkhølsfossen.

Ved endring av vassdragsvernet i Eikedalsvassdraget, kan det åpnast for fornuftig bruk av vassdraget utan å gå på akkord med verneverdtaket.

Ei kvar utnytting av vassdraget - også etter ein eventuell endra status, vil måtta ta omsyn til og oppfylla vilkåra i Naturmangfaldslova og Vassforskrifta.

Det vil vært fornuftig med ressursutnytting av vassdraget, når dette kan utførast utan å redusera dei opprinnelige verneverdiane.

Ressursutnytting av Eikedalsvassdraget vil tilføra Samnanger kommune økonomiske verdiar, som vil komma innbyggjarane til gode.

Samnanger og Granvin kommune fekk utarbeid ein rapport i 2014, som omhandlar vassdragsvernet i nemnte kommunar. Denne rapporten er utarbeid av Terje Engvik og han seier blant anna i samandraget "I Eikedalsvassdraget vil det kunne vere aktuelt å vurdere utstrekninga på verneområdet, då dei registrerte verneverdiane i fyrste rekje ligg frå Fossen Bratte og oppover i vassdraget".

Samnanger kommune går inn for objektvern av Fossen Bratte, med eit forsterka vern av denne

turistattraksjonen.

NAT- 021/2019 Vedtak:

- Møteinnkallinga og saklista vert godkjent.
- Delegerete vedtak/referatsaker vert tekne til orientering.

Rådmannen sitt framlegg til vedtak:

- Møteinnkallinga og saklista vert godkjent.
- Delegerete vedtak/referatsaker vert tekne til orientering.

Oversikt over faste saker:

Godkjenning av innkalling og sakliste.

Eventuelle merknader til protokoll frå førre møte.

Delegerete vedtak/referatsaker.

Utvælet sitt kvarter.